

ANG WESTMINSTER NGA KATEKISMO NGA MINUBO

P.1. Unsa ang labing mahinungdanon nga katuyuan sa kinabuhi sa tawo?

T- Ang labing mahinungdanon nga katuyuan sa kinabuhi sa tao mao ang paghimaya sa Dios^a ug ang pagpakig-uban kaniya sa walay katapusan.^b

^a1 Cor. 10:31; Roma 11:36 ^bSalmo 73:24-28

P.2. Unsa ang paagi nga gihatag sa Dios aron mogiya kanato sa paghimaya ug pagpakig_uban kaniya?

T- Ang pulong sa Dios nga makaplagan sa Balaang Kasulatan sa Bibliya ug naglangkob sa daan ug bag-ong tugon^a mao lang ang bugtong paagi nga mogiya kanato sa paghimaya ug pagpakig-uban kaniya^b

^a2 Tim. 3:16; Epeso 2:20 ^b1 Juan 1:3-4

P.3. Unsa ang labing mahinungdanon nga gi tudlo sa Balaang Kasulatan?

T- Ang labing mahinungdanon nga gi tudlo sa Balaang Kasulatan mao ang kinahanglan tuohan sa tawo mahitungod sa Dios ug kun unsa usab ang katungdanan nga gikinahanglan sa Dios gikan sa tawo

2 Tim. 1:13 2 Tim. 3:16

P.4. Unsa ang Dios?

T- Ang Dios Espiritu^a, walay kinutuban,^b walay katapusan^c ug walay pagkausab^d sa iyang kinaiyahan^e, kaalam,^f kagahum^g, pagkabalaan^h, hustisya, kayo ug kamatuoranⁱ

Juan 4:24 Job 11:7-9 Salmo 90:2 Santiao 1:17 Exod. 3:14 Salmo 147:5 Gipadayag 4:8 Gipadayag 15:4 Exod 34:6,7

P.5. Duna bay laing Dios gawas sa usa ka Dios?

T- Aduna lay us ka buhi ug tinood nga Dios.

Deut. 6:4

P.6. Pila ba ka persona ang kinatibuk-an sa Dios?

T- Adunay tulo ka persona sa usa ka Dios, ANg Amahan, ang Anak ug ang Balaang Espiritu ug kining tulo usa lamang, managsama sa kinaiyahan, sa gahum ug himaya.

1 Juan 5:7 Mat. 28:19

P.7. Unsa ba ang mga gimbut-an nang daan sa Dios?

T- Ang mga gimbut-an nang daan sa Dios mao ang iyang walay katapusan nga katuyuan sumala sa iyang kabubut-on, nga diin alang sa iyang himaya, iya nang gibut-an daaan ang mga mahitabo.

Epeso 1:4 Epeso 1:11 Rom. 9:22,23

P.8. Sa unsang paagi ang Dios mipatuman sa iyang plano nga gimbut-an na niyang daan?

T- Gipatuman sa Dios ang iyang mga plano nga gimbut-an na niyang daan pinaagi sa iyang pagbuhat sa tanang butang ug pag atiman niya niini.

P.9. Unsa ba ang buhat sa Dios sa paghimo sa tanang butang?

T- Ang buhat sa Dios sa paghimo sa tanang butang natuman gikan saw ala, hinunua pinaagi sa gahum sa iyang pulong sulod sa unom ka adlaw ug mayo kayo ang tanan niyang gihimo.

Gen. 1 Heb. 11:3

P.10. Giunsa sa Dios paghimo sa tawo?

T- Gihimo sa Dios ang tawo nga lalaki ug babaye sumala sa iyang panagway ga mao ang iyang kahibalo, pagkamatarong, ug pagkabalaan ug nga may gamhanang pagdumala siya diha kanila.

Gen. 1:26-28 Col. 3:10 Epeso 4:24

P.11. Unsa ba ang mga buhat sa Dios sa pag-atiman sa kalibutan?

T- Ang mga buhat sa Dios sa pag-atiman sa kalibutan mao ang iyang labing balaan, maalamon ug gamhanang pagdumala sa iyang mga binuhat ug sa tanan nilang mga kalihokan.

Salmo 145:17 Salmo 104:24 Isa 28:29 Heb1:3 Salmo 103:9 Mat 10:29-31

P.12. Unsa ang pinasahi nga buhat sa pag-atiman sa Dios nga iyang gipakita sa paghimo niya sa tawo?

T- Sa pagbuhat sa Dios sa tawo, mihimo siya ug kasabutan sa kinabuhi diha kaniya uban sa kondisyon nga may bug-os nga pagsunod. Iyang gidid-an siya sa pagkaon sa bunga sa kahoy sa pag-ila sa mayo ug sa daotan aron dili siya mamatay.

Gal. 3:12 Gen. 2:17

P.13. Nagpadayon ba ang atong mga unang ginikanan sa samang kahimtang diin sila gibuhat?

T- Ang atong unang mga ginikanan nga biniyaan sa kagawasan sa ilang kaugalingon kabubut-on nahulog sa kahimtang nga diin sila gibuhat pinaagi sa pagpakasala batok sa Dios.

Gen. 3:6-8; 3:13 Ecc. 7:29

P.14. Unsa ba ang sala?

T- Ang sala mao ang kagustuhan sa dili pagsunod ug ang pag lapas sa balaod sa Dios.

1 Juan 3:4

P.15. Unsa ba ang sala diin ang atong unang mga ginikanan nahulog ug gikan sa kahimtang nga sila gibuhat?

T- Ang sala diin ang atong unang mga ginikanan nahulog gikan sa kahimtang nga sila gibuhat mao ang pagkaon sa gidili nga bunga.

Gen. 3:6 Gen 3:12

P.16. nahulog ba usab ang tanang tawo sa sala tungud sa unang sala ni Adan?

T- Ang pakigsaad nga gihimo alang kang Adan wala lamang gihimo alang kaniya kundili alang usab sa iyang kaliwatan. Tungod niini, ang tanang tawo giakn kaniya nahulog usab ug nanagpakasala uban kaniya.

Gen. 2:16-17 Roma 5:12 1 Cor. 15:21-22

P.17. Sa unsa nga kahimtang gidala ang tawo human siya mahulog sa sala?

T- Ang pagkahulog sa sala nagdala sa tawo sa kahimtang sa pagpakasala ug kasakit.

Roma 5:12

P.18. Unsa ang naglangkob sa makasasalang kahimtang diin ang tawo nahulog?

T- Ang makasasalang kahimtang diin ang tawo nahulog naglangkob sa kasal-anan sa unang paglapas ni Adan, ang pagkinahanglan sa tinood nga pagkamatarong u gang pagkadaot sa iyang tibook pagkatawo; nga kasagarang gitawag nga Unang Sala; kauban usab ang tanang matang sa sala nga naggikan niini.

Roma 5:12; 5:19; 5:10-20 ; Epeso 2:2-3 ; Santiago 1:14,15 ; Mat. 15:19

P.19. Unsa ang kadaot niadtong kahimtang sa tawo diin siya nahulog?

T- Ang tanang tawo nahimulag sa pakig-uban sa Dios human Mahulog ang atong unang ginikanan sa sala. Nailawom ang tanan sa tunglo ug kasuko sa Dios ug nagbunga kini sa tanang kaguol ug kasakit, sa kamatayon u gang tanang pag-antos nga walay katapusan sa impyerno.

Gen. 3:8 ; 3:10 ; 3:24 ; Gal. 3:10 ; Epeso 2:2-3 Pagba. 3:9 ; Roma 6:23 ; Mat. 25:41

P.20. Gibiyaan bas a Dios ang tanang tawo nga malaglag sa ilang kahimtang diha sa sala ug kadaot?

T- Ang Dios sumala sa iyang takos nga kayo, sukad pa sa sinugdan mipili sa uban alang sa kinabuhing dayon. Mihimo ug pakigsaaad kanila sumala sa iyang grasya aron ipahigawas sila sa makasasala ug lisod nga kahimtang ug aron dad-on sila sa kaluwasan pina-agi sa usa ka manunubos.

Epeso 1:4 Roma 3:20-22 ; Gal 3:21-22

P.21. Kinsa ba ang manunubos sa mga pinili sa Dios?

T- Ang bugtong manunubos sa mga pinili sa Dios mao si Jesu-Cristo, nga kinsa isip walay sinugdanan o katapusang Anak sa Dios, nahimong tawo, ug nga sukad kaniadto ug nga nagapadayon, Dios ug tawo sa duha ka kinaiyahn apan usa lang ka persona nga walay katapusan.

1 Tim. 2:5-6 Juan 1:14 : Gal.4:4 Roma 9:5 Lukas 1:35 ;Col. 2:9 Heb. 7:24-25

P.22. Sa unsang paagi si Hesu Cristo isip Anak sa Dios, nahimong tawo?

T- Si Hesu Cristo isip Anak sa Dios nahimong tao pinaagi sa pagbaton niya ug tinood nga lawas. Makahuluganon nga kalag nga gipanamkon pinaagi sa gahum sa Balaang Espiritu sa sbakan ni birhen Maria ug nga gipanganak niya apan walay sala.

Heb. 2:14,16 ; 10:5 mat. 26:38 Lukas 1:27,31,35,42 ; Gal. 4:4 Heb. 4:15 ; 7:26

P.23. Unsa ang mga buluhaton ni Cristo isip atong manunubos?

T- Si Cristo isip atong manunubos may buluhaton isip usa ka propeta, pari ug hari ug nga tanan kini sulod sa iyang pagpaubos ug pagpahitaas.

Buhat 3:21-22 ; Heb. 13:25 ; 2 Cor. 13:3 ; Heb. 5:5-7 ; Heb. 7:25 ; Salmo 2:6 ; Isa 9:6-7 ; Mat. 21:5 ; Salmo 2:8-11

P.24. Giunsa ni Cristo pagbuhat ang buluhaton sa usa ka propeta?

T- Si Cristo nagbuhat sa iyang buluhaton isip usa ka propeta pinaagi sa pagpadayag kanato sa kabubut-on sa Dios alang sa atong kaluwasan pinaagi sa iyang pulong ug Espiritu.

Juan 1:18 ; 1 Pedro 1:10-12 ; Juan 15:5 ; Juan 20:31

P.25. Giunsa ni Cristo pagbuhat ang buluhaton isip usa ka pari?

T- Si Cristo nagbuhat sa iyang buluhaton isip usa ka pari, pinaagi sa makausa lang nga paghalad sa iyang kaugalingon isip sakripisyo aron hatagan ug hustisya ang Dios, ug aron ipasig-uli ang tawo ngadto sa Dios ug sa pagpadayon niya sa pagpangalipuyo alang kanato.

Heb. 9:14,28 Heb. 2:17 Heb. 7:24,25

P.26. Giunsa ni Cristo pagbuhat ang buluhaton isip usa ka hari?

T- Si Cristo nagbuhat sa buluhaton isip usa ka hari pinaagi sa pagmando niya kanato, sa pagpangulo, sa pagpanalipud, sa pagpugong ug pagbuntog sa tanan niya ug atong mga kaaway.

Buhat 15:14-16 Isa. 33:22 Isa. 32:1,2 1 Cor. 15:25 ; Salmo 110

P.27. Unsa ang naglangkob sa pagpaubos ni Cristo?

T- Ang pagpaubos ni Cristo naglangkob sa iyang pagkatawo sa ubos nga kahimtang nga nahimo ilalom sa Balaod ug milatas sa mga kalisod sakinaabuhin, sa kasuko sa Dios, sa tunglo diha sa kamatayon sa krus, sa iyang paglubong ug ang pagpadayonniyang pagpailawom sa gahom sa kamatayon sulod sa hamubong panahon.

Lukas 2:7 Gal. 4:4 Heb. 12:2,3 Isa. 53:2,3 Lukas 22:44 Mat. 27:46 Pil. 2:8 1 Cor. 15:3,4 Buhat 2:24-27

P.28. Unsa ang gilangkob sa pagpahitaas ni Cristo?

T- Ang pagpahitaas kang Cristo naglangkob sa iyang pagkabanhaw sa mga patay sa ika-tulo ka adlaw, sa pagbayaw niya ngadto sa langit, sa paglingkod niya sa tuong kamot sa Amahan ug sa iyang pagbalik aron paghukom sa kalibutan sa katapusang adlaw.

1Cor. 15:4 Markos 16:19 Epeso 1:20 Buhat 1:11 Buhat 17:31

P.29. Sa unsang paagi kita mahimong makaambit sa pagtubos nga gihimo ni Cristo?

T- Mahimo kitang makaambit sa pagtubos nga gihimo ni Cristo pinaagi sa gamhanang pagtawag ug pagbag-o kanato sa Balaang Espiritu.

Juan 1:11,12 Tito 3:5,6

P.30. Sa unsang paagi gipahibalo sa Balaang Espiritu nganhi kanato ang pagtubos nga gihimo ni Cristo alang kanato?

T- Ang Balaang Espiritu nagpahibalo nganhi kanato mahitungod pagtubos nga gihimo ni Cristo pinaagi sa paghatag niya kanato ug pagtoo ug sa paghiusa niya kanato kang Cristo aron mahimong tinuod nga mga tinawag.

Epeso 1:13,14 ; Juan 6:37 ; Juan 6:39 ; Epeso 2:8 Epeso 3:17 ; 1Cor. 1:9

P.31. Unsa ang gamhanang pagtawag?

T- Ang gamhanang pagtawag mao ang buhat sa Balaang Espiritu sa Dios sa pagpaila kanato sa atong mga sala ug kadaotan, sa pagdan-ag sa atong nga huna-huna aron sa makaila kang Cristo sa pagbag-o sa atong mga kabubut-on, sa pag-awhag ug pagdasig kanato aron mosalig kang Cristo ug nga gitanyag kanato nag libre diha sa ebanghelyo.

2Tim.1:9 ; 2 Tes. 2:13,14 buhat 2:37 ; Buhat 26:18 Ezekiel 36:26-27 Juan 6:44,45 Filipos 2:13

P.32. Unsa ang mga panalangin nga nangadawt niadtong mga nakasinati sa gamhanang pagtawag sa ilang kinabuhi?

T- Sila nga nakasinati sa gamhanang pagtawag sa Balaang Espiritu sa ilang kinabuhi, nakaambit sa pagkamatarong, pagkasinagup, pagpabalaan ug uban pang mga kaayohan niining kinabuhi ug mahimo usab nga naggikan sa maong mga panalangin.

Roma 8:30 ; Epeso 1:5 ; 1Corinto 1:26 ; 1 Corinto 1:30

P.33. Unsa ang pagkamatarong?

T- Ang pagkamatarong mao ang usa ka grasya ug buhat sa Dios nga sa diin iyang gipasaylo ang atong mga sala ug gidawat kita nga matarong s iyang atubangan, ug kini pinaagi sa pagkamatarong ni Cristo nga iyang gihatag kanato ug atong nadawat pinaagi lang sa pagtoo.

Roma 3:24,25 ; roma 4:6-8 ; 2Cor. 5:19 ; 2Cor. 5:21 ; Gal. 2:16 ; Pil. 3:9

P.34. Unsa ang pagkasinagop?

T- Ang pagkasinagop mao ang usa ka grasya ug buhat s adios nga sa diin gidawat kita isip kauban sa mga pinili ug nga adunay katungod sa tanang mga panalangin nga alang sa mga anak sa Dios.

1 Juan 3:1 Juan 1:12 Roma 8:17

P.35. Unsa ang pagbalaan?

T- Ang pagbalaan mao ang usa ka grasya ug buhat sa Dios nga sa diin iyang gibag-o ang atong kinatibuk-ang pagkatawo sumala sa iyang dagway ug gihatagan ug padayon nga kagahom nga mamatay sa sala ug mabuhi sa pagkamatarong.

2 Tes. 2:13 Epeso 4:23,24 Rom. 6:4 Rom. 6:6

P.36. Unsa ang mga panalangin nga niining kinabuhi kauban o naggikan sa pagkamatarong, pagkasinagop, ug pagpabalaan?

T- Ang mga panalangin nga niining kinabuhi naga-uban o naggikan sa pagkamatarong, pagkasinagop ug pagpabalaan mao ang kasigutuhan sa gugma sa Dios, kalinaw sa konsensya, kalipay diha sa Balaang Espiritu, kauswagan sa grasya ug pagpadayon hangtod sa katapusan.

Roma 5:1,2 ; Roma 5:5 ; Roma 14:17 ; Proverbio 4:18 ; 1Juan 5:13 ; 1 Pedro 1:5

P.37. Unsa nga mga panalangin ang madawat sa mga magtutuo gikan kang Cristo sa panahon sa ilang kamatayon?

T- Ang mga kalag sa mga magtutuo sa ilang kamatayon himoon silang hingpit sa pagkabalaan ug dad-on sila dayon sa himaya, ug ang ilang mga lawas nga bisan nagpabiling nahiusa kang Cristo mopahulay sa ilang lubnganan hangtod sa panahon sa pagkabanhaw.

P.38. Unsa nga mga panalangin ang madawat sa mga magtutuo gikan kang Cristo sa panahon sa pagkabanhaw?

T- Sa panahon sa pagkabanhaw , ang mga magtutuo nga pagabanhawon sa himaya, paga-ilhon sa kadaghanan ug dili na pakasad-on sa adlaw sa paghukom, ug hingpit nga panalangin nga may bug-os nga kalipay ug pagmaya uban sa Dios sa walay katapusan.

1 Cor. 15:43 ; Mat. 25:23 ; Mat.10:32 ; 1Juan 3:2 ; 1 Cor. 13:12 ; 1 Tes.4:17,18

P.39. Unsa ang katungdanan nga gipangayo sa Dios sa tawo?

T- Ang katungdanan nga gipangayo sa Dios diha sa tawo mao ang pagsunod sa iyang gipadayag nga kabubut-on.

Miqueas 6:8 ; 1Sam. 15:22

P.40. Unsa ang gipadayag sa Dios sa tawo sukad pa sa sinugdan mahitungod sa iyang pamaagi sa pagsunod kaniya?

T- Ang iyang pamaagi diin sa sinugdan gipadayag sa Dios alang sa tawo aron sa pagsunod kaniya mao ang iyang mga balaod.

Roma 2:14,15 ; Roma 10:5

P.41. Asa nato makaplagan ug hiniusa nga matun-an ang mga balaod sa Dios mahitungod sa maayo ug sa daotan?

T- Ang mga balaod sa Dios mahitungod sa mayo ug sa daotan hiniusa atong makaplagan nga matun-an diha sa napulo ka sugo.

Deut. 10:4

P.42. Unsa ang kinatibuk-ang kahulugan sa napulo ka sugo?

T- Ang kinatibuk-ang kahulugan sa napulo ka sugo mao ang paghigugma sa atong Dios sa tibook natong kasing-kasing, sa tibook natong kalag, sa tibook natong kusog, sa tibook natong huna-huna, ug sa paghigugma sa atong igsoon sama sa atong kaugalingon.

Mat. 22:37-40

P.43. Unsa ang pasiunang mga pulong sa napulo ka sugo?

T- Ang pasiunang mga pulong sa napulo ka sugo mao ang: Ako ang Ginoo ang inyong Dios nga nagpagawas kaninyo sa Egipto gikan sa yuta sa pagkaulipon.

Exod. 20:2

P.44. Unsa ang gitudlo kanato sa pasiunang mga pulong diha sa napulo ka sugo?

T- Ang pasiunang mga pulong sa napulo ka sugo nagatudlo kanato nga tungod kay ang Dios mao ang Ginoo ug atong Dios, ug Manunubos, tungod niini gikinahanglan mosunod kita sa tanan niyang mga sugo.

Lukas 1:74,75 1Pedro 1:15-19

P.45. Unsa ang unang sugo?

T- Ang unang sugo mao kini, "Ayaw kamo pagbaton ug laing mga Dios sa akong atubangan."

Exodo. 20:3

P.46. Unsa ang buot ipatuman sa unang sugo?

T- Ang buot ipatuman sa unang sugo mao ang pagkahibalo ug pag-ila sa Dios isip mao lang ang tinood nga Dios ug atong Dios, ug nga kinahanglan siya simbahan ug himayaon.

1Cron. 28:9 ; Deut. 26:17 ; Mat. 4:10 ; Salmo 29:2

P.47. Unsa ang ginadili sa unang sugo?

T- Ang unang sugo nagadili sa paghimakak o sa dili pagsimba o paghimaya sa tinood nga Dios isip Dios, ug atong Dios ug ang paghatag sa maong pagsimba ug himaya sa ubang Dios, nga alang lang gayod kaniya.

Salmo 14:1 Roma 1:21 Salmo 81:10,11 Roma 1:25,26

P.48. Unsa ang mahinungdanong gitudlo kanato sa mga pulong (sa akong atubangan) diha sa unang sugo?

T- Kining mga pulonga (sa akong atubangan) nga gikan sa unang sugo nagatudlo kanato nga ang Dios nga nakakita sa tanang butang, nahibalo ug adunay hilabihan nga kasilag sa sala sa pagbaton ug laing dios.

Ezekiel 8:5-18

P.49. Unsa ang ikaduhang sugo?

T- Ang ikaduhang sugo mao kini, "Ayaw paghimo alang sa imong kaugalingon ug diosdios sa bisan unsang dagway didto sa ibabaw sa langit o dinhi sa yuta o didto sa ilawom sa tubig. Ayaw pagyukbo kanila o pagsimba kanila kay ako, ang GINOO nga inyong Dios , usa ka Dios nga abughoan, nagasilot sa mga anak tungod sa sala sa mga amahan ngadto sa ikatulo ug ika-upat nga kaliwatan niadtong nagdumot kanako, apan nagpakitag gugma ngadto sa linibo nga nahigugma kanako ug nagbantay sa akong mga sugo."

Exodo 20:4-6

P.50. Unsa ang buot ipatuman sa ikaduhang sugo?

T- Ang buot ipatuman sa ikaduhang sugo mao ang pagdawat, pagsunod ug pagpadayon nga putli, ug walay kulang sa tanan nga diosnong pagsimba ug mga tulumanon nga gibut-an sa Dios.

Deut. 32:46 ; Mat. 28:20 ; Buhat 2:42

P.51. Unsa ang ginadili sa ikaduhang sugo?

T- Ang ikaduhang sugo nagadili sa pagsimba sa Dios nga may paggamit ug mga larawan o bisan unsa nga ginadili sa iyang pulong.

Deut. 4:15-19 ; Exodo 32:8 Deut. 12:31,32

P.52. Unsa ang mga hinungdan sa dugang nga gipadayag sa ikaduhang sugo?

T- Ang mga hinungdan sa dugang nga gipadayag mao ang pagkagamhanan sa Dios ibabaw kanato ang iyang katungod kanato ug ang paghatag niyag taas nga pagtamod sa iyang kaugalingong pagsimba.

Salmo 95:2,3 ; Salmo 95:6 Salmo 45:11 Exodo 34:13,14

P.53. Unsa ang ikatulong sugo?

T- Ang ikatulong sugo mao kini, "Ayaw pasipad-i ang paggamit sa ngalan sa Ginoo nga walay sala ang magpasigla paggamit sa iyang ngalan"

Exodo 20:7

P.54. Unsa ang buot ipatuman sa ikatulong sugo?

T- Ang buot ipatuman sa ikatulong sugo mao ang balaan ug labing matinahuron nga paggamit sa mga ngalan, mga titulo, mga pahinungod, mga pulong, mga tulomanon, ug mga buhat sa Dios.

Mat. 6:9 ; Deut. 28:58 Salmo 68:4 Pinadayag 15:3,4 Mal. 1:11 ; Mal.1:14 Salmo 138:1,2 Job 36:24

P.55. Unsa ang ginadili sa ikatulong sugo?

T- Ang ikatulong sugo nagadili sa pagyatak o pag-abuso sa bisan unsang butang nga sa diin ang Dios nagpadayag sa iyang kaugalingon.

Mal. 1:6,7 ; Mal 1:12 ; Mal. 2:2 Mal. 3:14

P.56. Unsa ang hinungdan sa dugang nga gipadayag sa ikatulong sugo?

T- Ang hinungdan sa dugang nga gipadayag sa ikatulong sugo mao nga bisan unsa mang paagi makalingkawas ang mga malapason niining sugoa sa mga silot a tawo, apan sa Dios dili gayod sila makalingkawas sa iyang matarong nga paghukum.

1 Sam. 2:12,17,22,29 ; 1Sam. 3:13 ; Deut. 28:58,59

P.57. Unsa ang ika-upat nga sugo?

T- Ang ika-upat nga sugo mao kini, "Hinumdumi ang adlaw nga ipagpahulay pinaagi sa paglaban niini. Magtrabaho kamo sulod sa unom ka adlaw ug himoa ang tanan ninyong bulohaton, apan ang ikapitong adlaw ipagpahulay ngadto sa GINOO nga inyong Dios. Nianang adlaw ayaw kamo pagbuhat ug bisan unsang bulohaton, bisan kamo, ni ang inyong anak nga lalaki o anak nga babaye, ni ang inyong sulugoong lalaki, o sulugoong babaye, ni ang inyong mga hayop, ni ang mga dumoduong nga anaa sa inyong mga ganghaan. Kay sulod sa unom ka adlaw gihimo sa GINOO ang mga langit ug yuta, ang dagat, u gang tanan niini, apan mipahulay siya sa ikapito ka adlaw. Busa gipanalanginan sa GINOO ang Adlawng ipagpahulay ug gibalaan kini. "Pasidunggi ang imong amahan u gang imong inahan, aron mabuhi kag dugay diha sa yuta nga gihatag kaninyo sa GINOO nga inyong Dios."

Exodo 20:8-12

P.58. Unsa ang buot ipatuman sa ika-upat nga sugo?

T- Ang buot ipatuman sa ika-upat nga sugo mao ang paghimo nga Balaan atubangan sa Dios ang gibut-an niyang panahon nga iyang gisugo diha sa iyang pulong nga mao ang usa sa pito ka adlaw, nga usa ka balaang igpapahulay alang kaniya.

Deut. 5:12-14

P.59. Unsa ang adlaw sa pito ka adlaw ang gipili sa Dios isip iyang sinimana nga igpapahulay?

T- Sukad sa sinugdanan sa kalibutan hangtod sa pagkabanhaw ni Cristo, ang Dios mipili sa ika-pito ka adlaw sa semana isip sinimana nga igpapahulay. Apan sa pagkabanhaw ni Cristo ang unang adlaw sa semana mao na ang adlaw sa Cristohanong igpapahulay, ug kini ipatuman hangtod na sa katapusan sa kalibutan.

Gen. 2:2,3 ; 1Cor.16:1,2 ; Buhat 20:7

P.60. Sa unsang paagi pagabalaanon ang adlaw nga igpapahulay?

T- Ang adlaw nga igpapahulay paga balaanon pinaagi sa balaan nga pagpahulay sa tibook adlaw. Kinahanglan igahin sa bulohaton sa pagsimba sa Dios, mahimong sa publiko ug pribado. Mahimo lamang kining dili maipatuman sa mga panahon nga may labing kinahanglan buhaton ug sa mga buhat sa kalooy.

Exo. 20:8,10 Exo. 16:25-28 ; Neh. 13:15-19 Neh. 13:21-22 Lukas 4:16 ; Buhat 20:7 Salmo 92 ; Isa. 66:23 Mat. 12:1-13

P.61. Unsa ang ginadili sa ika-upat nga sugo?

T- Ang ika-upat nga sugo nagadili sa paghimo o pagpasagad ba hinoon sa pagbuhat sa mga katungdanan, u gang dili pagbalaan niini pinaagi sa katapulan, o sa pagbuhat ug sala, o dib a sa dili kinahanglan o dili maayong hunahuna o mga pulong, o dili ba mga buhat mahitungod sa kalibutanong buluhaton o kalingawan.

Ezek. 22:26 Amos 8:5 Mal 1:13 Buhat 20:7,9 Ezek.23:38 Jer. 17:24-26 Isa. 58:13

P.62. Unsa ang mga hinungdan sa dugang nga gipadayag sa ika-upat nga sugo?

T- Ang mga hinungdan sa dugang nga gipadayag sa ika-upat nga sugo mao ang paghatag sa Dios kanato ug unom ka adlaw alang sa atong mga buluhaton, ang pag-angkon niya sa ikapito ka adlaw, ang iyang kaugalingong sumbanan u gang pagpanalangin niya sa adlaw sa igpapahulay.

Exo. 20:9 Exo. 20:11

P.63. Unsa ang ika-lima nga sugo?

T- Ang ika-lima nga sugo mao ang, "Pasidunggi ang imong amahan u gang imong inahan, aron mabuhi kag dugay diha sa yuta nga gihatag kaninyo sa Ginoo nga inyong Dios."

Exodo 20:12

P.64. Unsa ang buot ipatuman sa ika-lima nga sugo?

T- Ang buot ipatuman sa ika-lima nga sugo mao ang pagpabilin sa pagtahod, ug sa pagbuhat sa mga katungdanan nga angayan ihatag sa matag-usa kanila diha sa ilang kahimtang nga isip mga labaw, mga ubos, o mga manag-sama.

Epeso 5:21 1Pedro 2:17 Roma 13:8

P.65. Unsa ang ginadili sa ika-lima nga sugo?

T- Ang ika-limang sugo nagadili sa pagpasagad o sa paghimo sa bisan unsa nga batok sa pagtahod ug sa katungdanan nga angayan ihatag sa matag-usa kanila diha sa ilang mga kahimtang ug mga relasyon.

Mat. 15:4-6 Ezekiel 34:2-4 Roma 13:8

P.66. Unsa ang hinungdan sa dugang nga gipadayag sa ika-lima nga sugo?

T- Ang hinungdan sa dugang nga gipadayag sa ika-limang sugo mao ang saad sa taas nga kinabuhi ug kauswagan (hangtod lang sa paagi nga makapahimaya kini sa Dios ug makaayo kanila) sa tanan kanila nga nagatuman niining maong sugo.

Deut. 5:16 Epeso 6:2,3

P.67. Unsa ang ika-unom nga sugo?

T- Ang ika-unom nga sugo mao ang. "Ayaw pagpatay."

Exodo 20:13

P.68. Unsa ang buot ipatuman sa ika-unom nga sugo?

T- Ang buot ipatuman sa ika-unom nga sugo mao ang tanang maayong pagtinguha sa paglugway sa atong kinabuhi ug sa kinabuhi usab sa uban.

Epeso 5:28,29 Mga Hari 18:4

P.69. Unsa ang ginadili sa ika-unom nga sugo?

T- Ang ika-unom nga sugo nagadili sa pagbawi sa atong kaugalingong kinabuhi o ang kinabuhi sa uban nga dili makataronganon.

Buhat 16:28

P.70. Unsa ang ika-pito nga sugo?

T- Ang ika-pito nga sugo mao kini, "Ayaw pagpanapaw."

Exodo 20:14

P.71. Unsa ang buot ipatuman sa ika-pito nga sugo?

T- Ang buot ipatuman sa ika-pito nga sugo mao ang pag-amping ug pagpabilin sa atong kaugalingong kaputli ug maingon man usab sa uban, diha sa kasingkasing, pagpanulti, ug pagginawi.

1 Cor. 7:2,3,5,34

P.72. Unsa ang ginadili sa ika-pito nga sugo?

T- Ang ika-pito nga sugo nagadili sa pagbaton ug tanang mahugaw o malaw-ayng mga huna-huna. Mga pulong, ug mga buhat.

Mat. 15:19 Mat 5:28 Epeso 5:3,4

P.73. Unsa ang ika-walo nga sugo?

T- Ang ika-walo nga sugo mao kini, "Ayaw pagpangawat."

Exodo 20:15

P.74. Unsa ang buot ipatuman sa ika-walo nga sugo?

T- Ang buot ipa-tuman sa ika-walo nga sugo mao ang hustong paagi sa pagbaton ug pag-uswag sa mga bahandi ug sa uban pang mga katigayonan nato ug ang sa uban usab.

Gen.30:30 1Tim.5:8 Lev. 25:35 Deut. 22:1-5 Exodo 23:4,5 Gen 47:14 Gen 47:20

P.75. Unsa ang ginadili sa ika-walo nga sugo?

T- Ang ika-walong sugo nagadili sa bisan unsa nga mahimong makababag sa pag-uswag nga dili makatarunganon, sa atong mga bahandi ug katigayunan nato ug ang sa uban usab.

Proberbio 21:17 Pro 23:20,21 Pro 28:19 Epeso 4:28

P.76. Unsa ang ika-siyam nga sugo?

T- Ang ika-siyam nga sugo mao kini, "Ayaw pagsaksig bakak batok sa imong silingan."

Exodo 20:16

P.77. Unsa ang buot ipa-tuman sa ika-siyam nga sugo?

T- Ang buot ipatuman sa ika-siyam nga sugo mao ang padayon nga pagpatunhay ug pagdasig sa pagkamatinud-anon sa usag-usa, alang sa atong kaugalingong kaayohan ug usab sa uban, hilabina sa pagsaksi alang sa uban.

Zek. 8:16 3Juan 12 Prob.14:5,25

P.78. Unsa ang ginadili sa ika-siyam nga sugo?

T- Ang ika-siyam nga sugo nagadili sa bisan unsa nga makababag sa pagkamatinud-anon o makadaot sa atong maayong ngalan ug sa maayong ngalan usab sa uban.

1Samuel 17:28 Levitico 19:16 Salmo 15:3

P.79. Unsa ang ika-napulo nga sugo?

T- Ang ika-napulo nga sugo mao kini, "Ayaw kaibog sa balay sa imong silingan. Ayaw kaibog sa asawa sa imong silingan, o sa imong sulugoong lalaki o sulugoong babaye sa iyang baka o asno o bisan unsa nga gipanag-iya sa imong silingan."

Exodo 20:17

P.80. Unsa ang buot ipa-tuman sa ika-napulo nga sugo?

T- Ang buto ipatuman sa ika-napulo nga sugo mao ang pagbaton ug tinood nga katagbawan sa atong mga kahimtang, nga may mayo ug mahigugmang espiritu alang sa uban, ug sa tanan nga ilang gipanag-iya.

Heb. 13:5 ; 1Tim. 6:6 ; Job 31:29 Roma 12:15 ; 1 Tim 1:5 ; 1Cor.13:4-7

P.81. Unsa ang ginadili sa ika-napulo nga sugo?

T- Ang ika-napulo nga sugo nagadili sa atong dili pagkatagbaw sa atong kaugalingong kahimtang, sa pagkasina sa mga kaayohan ug panalangin sa uban, u gang tanang mangil-ad nga tinguha ug pagkaibog sa bisan unsa nga gipanag-iya sa uban.

1Hari 21:4 Ester 5:13 1Cor. 10:10 Gal. 5:26 Santiago 3:14,16 Roma 7:7,8 Roma 13:9 Deut. 5:21

P.82. Aduna bay tawo nga hingpit nga makasunod sa mga kasuguan sa Dios?

T- Wala pay tawo sukad sa pagkahulog sa atong unang mga ginikanan nga adunay katakus niining kinabuhia sa pagsunod nga hingpit sa mga kasuguan sa Dios, hinunua, inadlaw nila kining gilapas diha sa ilang hunahuna, sa pulong, ug sa buhat.

Eccl. 7:20 ; 1Juan 1:8-10 ; Gal. 5:17 Gen. 6:5 ; Gen 8:21 ; Roma 9-21 ; Santiago 3:2-13

P.83. Ang tanan bang paglapas sa balaod managsama sa kadaotan?

T- Ang ubang matang sa mga sala, sa mga hinungdan nga misamot kini kangil-ad tungod sa pagpadayon niini, mas daotan kini sa atubangan sa Dios kay sa ubang mga matang sa sala.

Ezek. 8:6, 13, 15 ; 1Juan 5:16 ; Salmo 78:17, 32, 56.

P.84. Unsa bay angay nga ipahamtong sa matag sala?

T- Ang matag sala angay nga pahamtongan ug kasuko ug tunglo sa Dios, niining kinabuhia ug ingon man usab sa umaabot.

Epeso 5:6 ; Gal. 3:10 ; Pagbangutan 3:39 ; Mat. 25:41

P.85. Unsa ang kabubut-on sa Dios aron atong malikayan ang iyang kasuko ug tunglo nga angay kanato tungod sa sala?

T- Aron atong malikyan ang kasuko ug tunglo sa Dios nga angay kanato tungod sa sala, ang Dios buot nga makabaton kita ug pagtoo kang Hesu-Cristo ug paghinulsol ngadto sa kinabuhi, nga may bug-os nga paningkamot ug kakugi sa pagsunod sa tanang paagi nga sa diin si Cristo nagpadayag kanato sa mga panalangin isip mga bunga sa iyang pagtubos kanato.

Buhat 20:21 Prob.2:1-5; 8:33-36; Isa 55:3

P.86. Unsa ang pagtoo diha kang Hesu-Cristo?

T- Ang pagtoo diha kang Hesu-Cristo mao ang grasya sa Dios sa atong kaluwasan, nga (diin) atong nadawat ug nga pinaagi lang kaniya kita naluwas, nga gitanyag kanato diha sa ebanghelyo.

Heb. 10:39 Juan 1:12 Isa 26:3-4 ; Pilipos 3:9 ; Gal.2:16.

P.87. Unsa ang paghinulsol ngadto sa kinabuhi?

T- Ang paghinulsol ngadto sa kinabuhi mao ang grasya sa Dios sa atong kaluwasan, diin ang usa ka makasasala, adunay tinood nga pag-ila sa iyang sala, ug sa kalooy sa Dios diha kang Cristo, ug nga sa diosnong kasubo ug kasilag sa sala, mitalikod niini ug miatubang sa Dios, nga may bug-os nga tungua ug paningkamot alang sa bag-ong kinabuhi.

Buhat 11:18 Buhat 2:37,38 Joel 2:12 Jer. 3:22 Jer. 31:18,19 Ezek 36:31 2Cor.7:11 Isa 1:16,17

P.88. Unsa ang mga pinasahi nga paagi nga sa diin si Cristo nagpadayag kanato sa mga panalangin nga bunga sa iyang pagtubos kanato?

T- Ang mga pinasahi nga paagi nga diin si Cristo nagpadayag kanato sa mga panalangin nga bunga sa iyang pagtubos kanato mao ang iyang mga tulumanon, ilabina sa iyang pulong, ang mga sacramento, ang pag-ampo, u gang tanan nga mahimong mapuslanon sa mga pinili alang sa kaluwasan.

Mat. 28:19,20 Buhat 2:42,46,47

P.89. Sa unsanag paagi nga ang pulong sa Dios mahimong mapuslanon alang sa kaluwasan?

T- Ang Espiritu sa Dios nagapamuhat diha sa pagbasa apan ilabina ang pagwali sa pulong sa Dios, ang mapuslanong paagi sa pag-aghat ug pagkabig sa mga makasasala ug sa paglig-on kanila sa balaan nga kinabuhi pinaagi sa pagtoo ug ngadto sa kaluwasan.

Neh. 8:8 1Cor 14:24,25 Buhat 26:18 Salmo 19:8 Buhat 20:32 Roma 15:4 2Tim. 3:15-17 Roma 10:13-17

P.90. Unsaon ba pagbasa ug pagpamati ang pulong sa Dios aron mahimong mapuslanon kini alang sa atong kaluwasan?

T- Aron mahimong mapuslanon ang pulong sa Dios alang sa atong kaluwasan, kinahanglan hatagan nato kini ug igong panahon nga may kakugi, pagpangandam, ug pag-ampo, dawaton kini nga may pagtoo ug paghigugma, itanom kini sa atong mga kasing-kasing, ug sundon sa atong pagkinabuhi.

Prob. 8:34 1Pedro 2:1,2 Salmo 119:18 Heb. 4:2 2Tes. 2:10 Salmo 119:11 Lukas 8:15 San. 1:25

P.91. Sa unsang paagi nga ang mga sakramento mahimong mapuslanong paagi alang sa atong kaluwasan?

T- Ang mga sakramento, mahimong mapusalanong paagi alang sa atong kaluwasan, dili gikan mismo sa ilang pagkasakramento ni sa mga nangagdumala niini kundili sa pagpanalangin ni Cristo, ug sa pagpamuhat sa Balaang Espiritu diha kanila nga midawat niini pinaagi sa pagtoo.

1Pedro 3:21 Mateo 3:11 1Cor.3:6,7 1Cor 12:13

P.92. Unsa ang sacramento?

T- Ang sakramento mao ang ordinansa o tulumanon nga gisugdan ug gisugo ni Cristo nga sa diin pinaagi sa mga makitang timailhan, si Cristo u gang mga panalangin sa bag-ong kasabutan gihulagway, gisilyohan, ug gihimong mahinungdanong kabahin alang sa mga magtotoo.

Gen. 17:6,10 Exodo 12 1Cor 11:26

P.93. Unsa ang mga sacramento sa Bag-ong tugon?

T- Ang mga sakramento sa Bag-ong Tugon mao ang Bautismo u gang Balaang Panihapon.

Mat. 28:19 Mat. 26:26-28

P.94. Unsa ang Bautismo?

T- Ang Bautismo mao ang usa ka sakramento nga sa diin ang paghugas sa tubig pinaagi sa ngalan sa Amahan, sa Anak ug sa Espiritu Santo, nagkahulugan ug nagtimaan sa atong pagkahiusa kang Cristo ug pag-ambit sa mga panalangin gikan sa kasabotan sa grasya u gang atong pakigsaad isip iya sa Dios.

Mateo 28:19 Roma 6:4 Gal 3:27

P.95. Kinsa ba ang angayan nga bautismohan?

T- Ang bautismohan dili angay ipatuman kang bisan kinsa nga dili pa sakop sa iglesya, hangtod nga sila mopakita na ug pagtoo kang Hesu Cristo ug pagsunod kaniya. Ang mga bata usab nga anak sa mga sakop sa iglesya angay usab nga pagabautismohan.

Buhat 8:36,37 Buhat 2:38 Buhat 2:38,39 Gen 17:10 kauban ang Col. 2:11,12 1Cor. 7:14

P.96. Unsa ang Balaang Panihapon?

T- Ang Balaang Panihapon sa GINOO mao ang usa ka sakramento diin sa pagahatag ug pagdawat sa tinapay ug bino pinaagi sa gitudlo sa Cristo, iyang gipadayag ang iyang kamatayon; u gang mga angayan nga modawat, dili sa paagi nga hinugpong ug unudnon kondili pinaagi sa pagtoo. Sila mahimong makaambit sa iyang lawas ug dugo kauban ang tanang panalangin alang sa ilang espirituhanong paglig-on ug pagtubo diha sa grasya.

1Cor. 11:23-26 1Cor 10:16

P.97. Unsa ang gikinahanglan aron mahimong angayan sa pagdawat sa Balaang Panihapon?

T- Gikinahanglan aron mahimong angayan sa pag-ambit sa Balaang Panihapon nga magsusi sila sa ilang kaugalingon mahitungod sa ilang kahibalo sa pagsabot sa lawas sa Ginoo, sa ilang pagtoo kung sila malig-ono pa, sa ilang paghinulsol, sa ilang paghigugma, ug sa ilang bag-ong pagsunod, kay kun dili sila magsusi, ang pagduol ug pagambit nga dili angay nagpasabot nga mikaon ug miinom sila ug silot sa ilang kaugalingon.

1Cor. 11:28,29 ; 2Cor.13:5 ; 1Cor.11:31 ; 1Cor 10:16,17 ; 1Cor.5:7,8 ; 1Cor.11:28,29

P.98. Unsa ang pag-ampo?

T- Ang pag-ampo mao ang pagtugyan sa atong mga tinguha sa Dios, alang sa mga butang nga subay sa iyang kabubut-on, pinaagi sa ngalan ni Cristo, uban ang pagsugid sa atong mga sala, ug mapasalamatong pag-ila sa iyang mga kalooy.

Salmo 62:8 1Juan 5:14 Juan 16:23 Salmo 32:5,6 Daniel 9:4 Pilipos 4:6

P.99 Unsa ang paagi nga gihatag sa Dios sa paggiya kanato sa pag-ampo?

T- Ang pulong sa Dios mapuslanon sa grasya kanato sa pag-ampo, apan ang pinasahi nga paagi sa paggiya mao ang usa ka matang sa pag-ampo nga gitudlo niHesus sa iyang mga tinun-an, nga kasagarang gitawag ug Pag-ampo sa Ginoo.

1Juan 5:14 Mateo 6:9-13 kauban ang LUKas 11:2-4

P.100. Unsa ang gitudlo kanato diha sa pasiunang mga pulong sa pag-ampo sa Ginoo?

T- Ang pasiunang mga pulong diha sa pag-ampo sa Ginoo nga nag-ingon, “Amahan namo nga anaa ka sa langit”, nagatudlo kanato sa pag-duol sa Dios nga may labing balaan nga pagkahadlok ug pagsalig isip mga anak sa usa ka amahan, nga mahibalo ug andam sa pagtabang kanato, ug mga kinahanglan kita mag-ampo kuyog sa uban ug alang sa uban.

Mateo 6:9 Roma 8:18 Lukas 11:13 Buhat 12:5 1Timoteo 2:1,2

P.101. Unsay atong iampo sa unang pangamuyo?

T- Sa unang pangamuyo nga mao ang, “Pagabalaanon ang imong ngalan”, atong iampo nga ang Dios magahimo kanato u gang uban sa paghimo kaniya sa tanan nga paagi diin gipadayag niya ang iyang kaugalingon, ug nga ang tanang butang iyang gihimo alang sa iyang kahimayaan.

Mateo 6:9 Salmo 67:2,3 Salmo 83

P.102. Unsay atong iampo sa ikaduhang pangamuyo?

T- Sa ikaduhang pangamuyo nga nagaingon, “Moabot na unta ang imong gingharian”, atong iampo nga ang gingharian ni satanas mahugno, ug nga ang gingharian sa grasya modaog, nga kita u gang uban mahisakop niini, pagatipigan u gang gingharian sa himaya mahimong dali nga moabot.

Mateo 6:10 Salmo 68:1, 18 Pinadayag 12:10,11 2Tes. 3:1 Roma 10:1 Juan 17:9 Juan 17:20 Pinadayag 22:20

P.103. Unsay atong iampo sa ika-tulo nga pangamuyo?

T- Sa ika-tulong pangamuyo nga mao ang, “Matuman ang imong pagbuot dinhi sa yuta, maingon man usab sa langit,” atong iampo nga ang Dios pinaagi sa iyang grasya, himuon niyang may katakus kita ug andam mahibalo, mosunod ug mutugyan sa iyang kabubut-on sa Tanana butang, sama sa gihimo sa mga anghel sa langit.

Mateo 6:10 Salmo 67 Salmo 119:36 Mateo 26:39 2Sam 15:25 Job 1:21 Salmo 103:20,21

P.104. Unsay atong iampo sa ika-upat nga pangamuyo?

T- Sa ika-upat nga pangamuyo nga mao ang, “Hatagi kami sa among kalan-on karong adlaw,” atong iampo nga pinaagi sa libreng gasa sa Dios, makadawat kita ug igong bahin sa mga maayong butang sa kinabuhi ug nga kauban niini kita magakalipay sa iyang mga panalangin,

Mateo 6:11 Panultihon 30:8,9 Gen 28:20 1Tim. 4:4,5

P.105. Unsay atong iampo sa ika-limang pangamuyo?

T- Sa ika-limang pangamuyo mao ang, “Pasayloa kami sa among mga sala ingon nga nagpasaylo kami sa mga nanagpakasala kanamo,” atong iampo nga ang Dios, tungod kang Cristo, mopasaylo sa tanan tang mga sala, nga sa niini kita giaghat nga mangayo, tungod kay pina-agi sa iyang grasya, gihatagan ug katakus ang atong mga kasingkasing sa pagpasaylo sa uban.

Mateo 6:12 Salmo 51:1,2 Salmo 51:7,9 Dan. 9:17-19 Lukas 11:4 Mat. 18:35

P.106. Unsay atong iampo sa ika – unom nga pangmuyo?

T- Sa ika-unom nga pangmuyo nga mao ang, “Ug ayaw kami itugyan sa panulay, hinunua, luwasa kami sa mga daotan,” atong iampo nga ang Dios magtipig unta kanato nga kita dili mahulog sa pag-pakasala, o magpahigawas ba kanato kon kita matintal sa sala.

Mateo 6:13 Mateo 26:41 2Cor 12:7,8

P.107. Unsa ang gitudlo diha sa katapusang bahin sa Pag-ampo sa Ginoo?

T- Ang katapusang bahin sa Pag-ampo sa Ginoo, mao ang, “Kay imo man ang gingharian, gahum, ug himaya hangtod sa kahangtoran, Amen.” Nagtudlo kanato sa pagbaton sa atong mga kadasig sa pag-ampo gikan sa Dios lamang, ug nga sa atong mga pag-ampo, ato siyang daygon, tungod kay iya man ang gingharian, gahum ug himaya, ug nga isip pagsaksi sa atong mga tinguha ug kasiguruhan nga kita gidungog, moingon kita nga, Amen.

Mateo 6:13 Dan. 9:4 Dan 9:7-9 Dan. 9:16-19 1Kronicas 29:10-13 1Cor 14:16 Pinadayag 22:20,21

